



Bosna i Hercegovina  
Federacija Bosne i Hercegovine  
Tuzlanski kanton  
**JU VETERINARSKI ZAVOD TUZLANSKOG KANTONA  
TUZLA**

Račun kod NLB Tuzlanske Banke d.d. Tuzla : 132 100 03092159 29

Ul. 2. Tuzlanske br.28  
Tel: 035/302-700  
Fax: 035/302-721  
IB: 4209419280004  
PB: 03004110  
R KS Tuzla – U/I-1415/04  
PDV: 209419280004

## **PLAN**

**RADA JU VETERINARSKI ZAVOD TK  
ZA PERIOD 2015-2017. GODINU**

**Tuzla, April 2014. godine**

## **S A D R Ž A J**

**I – UVODNO OBRAZLOŽENJE**

**II – CILJEVI ZAVODA**

**III – OČEKIVANI EFEKAT OSTVARENJA CILJEVA**

**VI – OČEKIVANI EFEKTI POSLOVANJA**

## I – UVODNO OBRAZLOŽENJE

Veterinarski zavod je pravno lice koje postoji još od 1952. godine. Do 1995. godine, Veterinarski zavod je poslovao u sastavu Veterinarskog univerziteta u Sarajevu, od 1995. godine, posluje kao upravna organizacija u sastavu Ministarstvu poljoprivrede, šumarstva i vodoprivrede Tuzlanskog kantona, da bi se 2003. godine, na osnovu Zakona o osnivanju Javne ustanove Veterinarski zavod Tuzlanskog kantona («Službene novine Tuzlanskog kantona» broj: 11/03), izdvojio iz navedenog Ministarstva, te postao samostalna javna ustanova, čiji je osnivač Kanton. **Tačnije, od 22.9.2004. godine, kada je Kantonalni sud u Tuzli donio Rješenje o upisu u sudski registar, broj: U/I-1415/04, Veterinarski zavod u Tuzli pravno egzistira kao Javna ustanova.**

Veterinarski zavod, od svog osnivanja pa do danas, bavi se dijagnostikom zaraznih bolesti domaćih životinja i kontrolom higijenske ispravnosti namirnica animalnog porijekla.

**Važno je istaći da JU Veterinarski zavod Tuzlanskog kantona nije korisnik budžetskih sredstava i sve svoje aktivnosti finansira iz vlastitih sredstava ostvarenih pružanjem usluga.**

Obzirom na vrstu usluga koje JU Veterinarski zavod TK pruža, teško je precizno i u potpunosti planirati poslove na trogodišnji period, a samim tim planirati i prihode.

Obim poslova na kontroli zaraznih i parazitoloških bolesti ovisi o epizotiološko-epidemiološke slike na terenu, kao i od programa mjera za kontrolu zaraznih i parazitarnih bolesti koji se donose na raznim nivoima u našoj zemlji. Svake godine donose se programi mjera i način finansiranja dijagnostike zaraznih i parazitarnih bolesti životinja na nivou:

- Ureda za veterinarstvo BiH (za područje Bosne i Hercegovine)
- Federalnog ministarstva poljoprivrede, vodoprivrede i šumarstva (za područje Federacije BiH)
- Kantonalnog Ministarstva poljoprivrede, šumarstva i vodoprivrede (za područje Tuzlanskog kantona).

Osim programa koji se donose na godišnjem nivou obim rada Zavoda zavisi i od epizotiološko-epidemiološke slike na terenu koja često nameće nove mjere, a svjedoci smo da nije moguće predvidjeti pojavu novih bolesti, izbijanje epidemija već

dijagnosticiranih bolesti na našem području, pojave kontaminanata u hrani i hrani za životinje (epidemije Q groznice, bruceloze, pojava aflatoksina u mlijeku i hrani za životinje i dr).

Veterinarski zavod TK u sklopu svojih aktivnosti ne posjeduje naredbodavnu funkciju, te obim poslova koje Zavod ima zavise od poštivanja pozitivnih zakonskih propisa kako od strane proizvođača hrane- subjekta u poslovanju s hranom, tako i od dovoljnog broja kantonalnih veterinarskih inspektora i obima i kvaliteta njihovog rada.

Nova legislativa u BiH usklađena sa evropskim direktivama težište kontrole zdravstvene ispravnosti hrane stavlja na proizvođača hrane- subjekta u poslovanju s hranom. Na njima je da uspostave proizvodne uvjete zasnovane na HACCP sistemu, da definišu planove samokontrole, a time i broj uzoraka i učestalost uzorkovanja kroz praćenje trenda rezultata. Nadzor nad proizvođačima hrane- subjektima u poslovanju s hranom vrše nadležni organi- inspekcija. Zbog toga su aktivnosti Zavoda na kontroli zdravstvene ispravnosti hrane i hrane za životinje direktno vezani za dosljednu primjenu propisa od strane svih subjekata u lancu, a sve u cilju zaštite potrošača Tuzlanskog kantona.

Kao i do sada JU Veterinarski zavod TK će nastaviti sa pružanjem svojih usluga van područja Tuzlanskog kantona i to ne samo na kontroli zdravlja životinja, već i kontroli zdravstvene ispravnosti proizvoda i sirovina.

## **II. CILJEVI ZAVODA ZA PERIOD 2015-2017. GODINA**

- **Nastaviti sa održavanjem sistema kvaliteta po BAS EN ISO 17025 i očuvati status Akreditovanog laboratorija.**
- **Proširiti djelokrug rada (scoop) uvođenjem novih metoda u drugim laboratorijama**
- **Poboljšavati i održavati elektronsku komunikaciju među laboratorijama Zavoda.**
- **Nastaviti saradnju sa fakultetima Univerziteta u Tuzli. Organizovati edukativne seminare za doktore veterinarske medicine, farmere i druge interesne grupe.**
- **Organizovati i učestvovati u PT/MLC testiranjima radi potvrde kompetentnosti u akreditovanom području.**

JU Veterinarski zavod TK je u 2013. godini stekao status Akreditirane laboratorije u oblasti serologije i Laboratorije za kontrolu kvalitete svježeg sirovog mlijeka, te implementirao standard ISO 9001-2008. U narednom periodu će isti održavati, stalno poboljšavati, kako bi kroz nadzorna ocjenjivanja od strane Akreditacijske kuće „BATA“ zadržao status akreditacije.

- **Proširiti djelokrug rada uvođenjem novih metoda analiza**

Radi proširenja svojih usluga JU Veterinarski zavod TK će raditi na uvođenju novih ISO i drugim međunarodno priznatih metoda u svom radu i opremanja laboratorija, a što će omogućiti korisnicima naših usluga nesmetan izvoz hrane u EU. Ove aktivnosti se planiraju u svim Laboratorijama Zavoda, a prije svega u Mikrobiološkom laboratoriju za kontrolu hrane i hrane za životinje, u kontroli rezidua veterinarskih lijekova i drugih kontaminanata u hrani, kao i u dijagnostici zaraznih i parazitarnih bolesti životinja.

- **Nadograditi elektronsku komunikaciju među laboratorijama Zavoda**

Sa razvojem tehnologije i većim zahtjevima korisnika usluga Zavoda nameće se potreba uspostave sistema koji će omogućiti lakšu razmjenu informacije. Da bi se to postiglo potrebno je uspostavljati informacione sisteme za razmjenu informacija kako unutar Zavoda između laboratorija, tako i između Zavoda i korisnika naših usluga, koji će te tokove učiniti lakšim, bržim i efikasnijim.

- **Nastaviti saradnju sa fakultetima Univerziteta u Tuzla**

Kao i proteklih godina, kada smo omogućili studentima Farmaceutskog i Tehnološkog fakulteta iz Tuzle da praktičnu nastavu pohađaju u našim prostorijama, takav vid saradnje ćemo nastaviti ne samo sa ova dva fakulteta nego i sa ostalim fakultetima i Srednjoškolskim centrima kojima je potrebna ovakva saradnja i dodatna praktična edukacija studenata i učenika.

- **Organizovanje edukacije za doktore veterinarske medicine, farmere**

JU Veterinarski zavod TK je u sklopu svojih aktivnosti analiziranja i praćenja stanja zaraznih i parazitarnih bolesti domaćih životinja i kontrole higijenske ispravnosti sirovina i proizvoda na području Tuzlanskog kantona u saradnji sa Ministarstvom poljoprivrede, šumarstva i vodoprivrede Tuzlanskog kantona, će kao i protekle godine organizovati stručno edukativne seminare za doktore veterinarske medicine, farmere i prerađivače.

### **III. OČEKIVANI EFEKTI OSTVARENJA CILJEVA**

1. Stvaranje modernog i visokosofisticiranog laboratorija
2. Stvaranje naučne baze.
3. Stvaranje sigurnog i kontinuiranog finansiranja.
4. Stvaranje veće sigurnosti stanovnika Tuzlanskog kantona i šire

### **IV. OČEKIVANI EFEKTI POSLOVANJA**

Obzirom na navedene planirane aktivnosti u trogodišnjem periodu, a ukoliko to mogućnosti budu dozvoljavale, obim poslovanja i finansijski efekat bi trebao biti na nivou minimalnog ostvarenje u 2014. godini uz uvećanje 10-15%.

**Direktor:**

**Broj: 01-1898/14  
Tuzla, 15.04.2014. godine**

**Senad Hamzić dr vet. med.**